

الاستقامة | د.شريف طه يونس

شريف طه يونس

بسم الله والحمد لله والصلوة والسلام على رسول الله صلى الله عليه وسلم. آآ ان شاء الله نستأنف يا بنات حلقة من حلقات آآ السلسلة دي. سلسلة غاليات. ماشي || وبأكيد بس احنا السلسلة دي عاملينها عشان انتو || زي ما قلت امبارح انتو غاليبين عند ربنا غاليبين فالدین ده - 00:00:00

آآ وقلنا ان احنا بيبننا نسب مهم هو نسب الایه؟ نسب الایمان. ماشي؟ نسب الایمان ده اعزم من كل انسان الابدان اعظم من كل انساب الایه؟ الابدان. نسب الایمان ده بيخللي ان فيه علاقة ما بين المعلم والمتعلم اسمها علاقة - 00:00:20

والدي اسمها علاقة ايه؟ الوالدين. يعني ايه بقى علاقة الوالدية؟ علاقة الوالدية النبي صلى الله عليه وسلم قال للصحابة انا لكم الوالد لولده اعلمكم. قال لهم ايه؟ انا لكم مثل الوالد لولده اعلمكم - 00:00:40

ماشي؟ فكان في عالم كبير اسمه ابن تيمية بيقول ان المعلم اب الروح كما الوالد ابو الجسد طيب المهم ان مسلا انت دلوقتي كده بنات. انت زيك زي خديجة. خلاص؟ ان انت آآ بناتي لأن في بيبننا علاقة اسمها علاقة ايه؟ تعليم - 00:01:00

ان انا بالنسبة لكم زي الوالد وانت زي بناتي. فانا ما ينفعش ابص لكم الا بالنظره دي ماشي؟ ان انت محرمة علي زي بنتي. وانت ما تنزليليش الا بالنزة دي. ان انا محرم عليك زي ابوك - 00:01:20

فاهمين يا بنات؟ طيب الكلام ده مهم جدا ليه بقى؟ عشان انت في السن ده من الحاجات اللي انت يعني المشاكل اللي بتعيشوها آآ انا قلت مسلا في المرات اللي فاتت ان انت بتبدأوا تنتبهوا لجسمكم. ما هو ده طبيعي. يعني تبدأي تاخدي بالك احساسك بجسمك بيختلف. يعني يمكن مسلا لغاية مرحلة - 00:01:33

حلمة انت ما تباقاش فارق معك انت زكر ولا انسى. يعني انت تبقي شبهه اخوك. ما بيبقاش في اي فرق. بتلبسي زيه ومش عارف باهتماماتك زيه ما فيش فرق كبير. بس في مرحلة بتحاوي - 00:01:53

تاخدي سكة الانسى بقى ان انا انا بنت لا انا بنت مختلفة. البس ليس مختلف. هيبي سلوكك مختلف. هبدأ احب حاجات معينة. ده عادي ده طبيعي خالص. ماشي؟ طيب بس المرحلة دي بقى بيبنموا معها حاجة تانية مهمة خالص وهي مسألة العاطفة. ماشي؟ فمن الحاجات البنات اللي هي بتنمو عندكم في - 00:02:03

المرحلة دي العاطفة آآ يعني بتبدأي كده بتبدأي بيقى عنك شعور ركزي بقى. ناحية الطرف الآخر الجنس الآخر انا بقى يعني بدأت كده تسمعى كلمة بحب وبحبك ومش عارف وايه والكلام ده. مش لازم من الولاد. سيبونا من الولاد دلوقتي. خلاص؟ خلينا نتكلم على ان انت نفسك - 00:02:23

بتدى يعني اللي هم البنات بطبيعتهم البنات بطبيعتهم البنوتة اصلا رقيقة يعني غير الولاد. الولد ها انت اصلا كده يعني من العلامات ان انت خلاص كبرتي ان ده اصلا ده الطبيعي لما انت بتقربي من مرحلة ما المرحلة دي انت لما بتقربي منها بتبدأي مرحلة البلوغ تحديدا - 00:02:44

بيبدأ حتى صوتك نفسه يختلف. شكل جسمك نفسه بيختلف. ده طبيعي ادي حاجات بنمر بها كلنا. زي ما انت ما كنتيش بتتشهي مسلا وانت صغيرة وانت بتتشهي زي ما انت كنت مش عارف مش بتقدري تعملي حاجات لوحدك مسلا انت بتتدخل في حمام مسلا تقدري تستعمليه بنفسك بقىت بتعرفي يعني عادي ده ده نمو طبيعي - 00:03:04

نسميه نمو جسمي او نمو جسدي. واضح؟ طيب. بس مع النمو الجسمي او الجسد ده بقى فيه نمو عاطفي. نمو ايه؟ خاطئ. عاطفي.

عادي. انت برضو بقى في المرحلة دي مسلا - 00:03:24

بتبدأي برضو ايه تحسى كده ان فيه ماسورة حب انفجرت في قلبك. وتقعدي بقى مسلا تقعدى تقولي لصاحبتك حبيبتي مش عارف ايه وحشتنى مش عارف ايه سوسة وتبعتى لي - 00:03:34

مسلا لو انت بعти لها في قلوب وتبعت لك في قلوب ومش عارف ومامتك بتكلم خالتك تقولي لها خالتي وحشتنى اوي اوي اوي اوي ده انا مش ولاوي ولا حاجة بس اديكي بتقولي يعني بيدأ عندك ينموا اليه - 00:03:44

الجزء العاطفي ده بقىتي بتحاولى لأ وبحاولى تبعري عنه بلطف وبرقه وده حاجة طبيعية ماشي طيب يعني دي حاجة عادية ايوة عادية بقى المشكلة ان الكلام ده فاكرين احنا لما اتكلمنا المرة اللي فاتت عن الزينة والكلام ده وحب الزينة وقلنا ده وحش ولا حلو؟ حلو جدا ما فيش مشكلة يعني اللي هي مم - 00:03:54

كده دي يعني مش بنت. معلش خلاص البنت اكيد تحب الزينة وتحب الجمال وتحب الحاجات ده طبيعي. بس قلنا المشكلة في ايه حب الزينة ده حلو ايه المشكلة؟ مم. ان انا يعني لو ازین نفسى والبس زي او البس بس الموضوع - 00:04:14 ممتاز يعني احيانا المشكلة في المكان بتاع الزينة يعني لأنت بتزيني فين وما بتزينيش فين؟ في بيتك يعني براحتك خالص. انما برة بيتك لأن الوضع مختلف. ماشي؟ طيب احيانا تبقى المشكلة فين - 00:04:33

يا بنات مش في المكان تبقى فين تاني؟ ممكن في الزمن اللي انت بتاخديه عشان الزينة. بنقدر نلف الطرحة ساعتين ثلاثة خلاص وافتخي كده دبوس كده مش عارف ايه وكذا وانا لأن احط الدبوس البنج على الطرحة البنج. وتقعدي تلفي في البيت ساعتين على دبوس بنك وتبعتي اخوك يروح - 00:04:47

دبوس بينك من تحت يادي المرار بتقف على الدبوس البينك ومش البنك. الاسراف في الوقت يعني احنا بناخد وقت طويل اوي في الكلام ده. طيب ايه تاني؟ صح بيقى انتم قلتم كلام جميل. انتم - 00:05:07 ممتازين ما شاء الله عليك. قل له بيقى الزينة حلوة بس احيانا المكان لو في مكان غلط تبقى غلط. لو خدت وقت بزيادة بيقى غلط. مم. ايه تاني ماشي ما هو شكل الزينة قصدك كده شكل الزينة. اه يعني احنا ما فيش مشكلة بس شكل الزينة نفسه مش مسموح به. انا - 00:05:17

ممك مسلا انت ممكن تبقى حابة تتزيني تحطي مش عارف هنا بتاع ده وتحطي هنا مسكرة ولا ايه اللي بيحطوها في عينيهم دي خلاص؟ او تحطي مش عارف حاجات هي - 00:05:37

هي الحاجات الحاجات دي شكل الزنا ده مسموح به برة البيت؟ مش مسموح به برة البيت. فالنبي صلى الله عليه وسلم قال وليخرجن تفالات. تفالات يعني مش معفنات. لا يعني يخرجن ايه؟ يعني اللي هي على طبيعتها ايوة مش فاهمة مش بقى شدة نفسها وداهن ابوية وحاطة مش عارف اللي ايه طبقة اولى وطبقة تانية وطبقة تالتة - 00:05:47

والجاجات دي خلاص وكريم اساس وبعد الاساس مش عارف حاجة يعني لده انت خارجة من البيت يعني ماشي؟ فخلاص ده انت خارجة ما انتيش رايحة انت رايحة فين؟ المهم ده دي وصية سيدنا النبي لك قال لما تخرجي من البيت تخرجني ايه؟ يعني فممك تبقى المشكلة المشكلة احيانا في ايه؟ في شكل الزينة صح؟ انت هايلين او قلتوا تلات مشاكل دلوقتي - 00:06:07

ممك تبقى المشكلة في المكان بتاع الزينة ممكن وقت اللي بناخده في الزينة ممكن في شكل الزينة في حاجة مهمة تاني في حاجة بقى رابعة مهمة قلناها امبراح بيقى قلنا كده في مكان وقلنا في شكل الزينة وقلنا في الوقت اللي بناخده في الزينة مم قلنا رينا قل من حرم زينة الله التي اخرج لعباده والطبيات من الرزق - 00:06:27

هي مش حرام. بس هي القضية كلها بقى الزينة دي الزينة اللي احنا اللي انت كبرت اهم حاجة لا تتجاوزي بها الحد ما تتجوزيش بقى الايه؟ الحدود الشرعية. يعني ان الزينة دي تسبب في وقوعك في محروم. ماشي؟ يعني مسلا - 00:06:47

عشان خاطر الزينة دي انت مسلا حابة تتزيني بالموضة. فالموضة دي فيها البنطلون المقطوع مش عارف ايه على الجيش وده حرام ممكن بيون اي بيقى ايه العورات اصلا ممكن مسلا من الزينة دي زي ما قلنا ممكن تقعدى مسلا انت دخلتني دلوقتي تاخدي شاور مسلا

وتعلمي حمام كريمي ومش عارف ايه وبتاع دخلتي مسلا من - 00:07:08

قبل المغرب طلعت بعد العشاء بساعتين. يعني ضيغت صلاة المغرب. الوقت بتاع المغرب. فالهم يعني المبالغة فيها هي اللي هي دي المشكلة. تجاوز الحد. احنا برضو هنرجع هنقول تاني ربنا وضع لنا حدود. الحدود دي حدود ضابطة ولا ضاغطة؟ ضابطة. ضابطة.

يعني الحدود دي ربنا حطها لنا عشان يحمينا. افتكرروا كده يا بنات الحدود حدود - 00:07:28

للحماية. الحدود ها؟ حماية. ماشي؟ الحدود عشان يحمينا. الحدود دي للحظر. ربنا يريد ان يحفظنا. فحط لنا حدود عشان لا احنا نعديها ها ولا حد يعديها يعني النهاردة مسلا انا عندي ولادي فاقول لهم اقول لهم يا ولاد لو سمحتم ما حدش يعدي الحد ده. لأن لو حد عدي الحد ده انا مش ضامن اللي هيحصل بعديه ايه - 00:07:48

ماشي؟ يبقى انا كده حمييت ولادي لو هم لو هم سمعوا كلامي وما عدوش الحد ده مش هيتأزوا. تمام؟ طب اللقطة الثانية ان انا قايل اللي برة لو سمحتم ما حدش يعدي الحد ده - 00:08:12

يخش على ولاده. يبقى الحد ده حماية. لو احنا التزمنا به حماية لنا. واضح؟ ما فيش واحد يقول لك ايه؟ طب انا هعدي الحد بقى واللي يحصل يا تستاهلي انت عديت الحد ليه؟ ما هو دي القضية. لأن انت هنفترض ان هو الشخص ده حب يعدي الحد - 00:08:25

انت طالما ما جيتيش عند الحد مش هيلاقيكى مفهوم؟ مش هيلاقيكى انت اصلا بالعكس ده سيدنا النبي وصانا كمان ايه؟ ان لما يبقى فيه حدود وبعد عنها يعني النبي صلى الله عليه وسلم ضرب لنا مثال جميل اوسي. كان يقول كان راعي يرعى حول الحمى يوشك ان يرتع فيه. يعني - 00:08:47

اما يبقى واحد عنده معه شوية غنمات هو يرعى بهم. ماشي؟ فشوية الغنمات دول شغالين في الفدان الارضي ده. تمام؟ فدان الارض ده جنبه على طول فدان ارض بتاع الملك بتاع الدولة دي - 00:09:07

فهو خايف بقى ان واحدة خروف منهم ولا معزة منهم تروح تأكل لها حاجة في الفدان بتاع الملك يضيغه هو فيه حد بيته وبين الملك بيخللي الغنم بتاعه يرعوا فين؟ على الحد بالزبط يقول لك لا انا مش ضامن وممكن واحدة تعيدي كده فيخليلهم يروحوا فين؟ بعيد. لا بعيد عن حد على قد ما - 00:09:23

يقدر عشان يبقى مأمن نفسه. فالنبي بيوصينا ان احنا المحارم نعمل ايه؟ وبعد منها على قد ايه؟ ما نقدر ما اروحش اقرب من المحارم اقول ايه؟ لا اصل انا همسك نفسى. لأ. ما تروحيش تقولي لأ اصل انا هدخل على اليوتيوب ومش هشوف حاجة حرام. طب ما انت مش هتمسك نفسك. ممكن تشوفي حاجة حرام - 00:09:40

انا هتكلم مع الولد ده بس هتكلم كلام محترم مش هتجاوز حدودي. لأ ما ترووحش تحطى نفسك في ايه ما تقربيش اصلا من الحرام. لزلك حتى لما ربنا بيقول ولا تقربوا الزنا - 00:09:58

هو قال له ولا تزنوا ولا ولا تقربوا الزنا؟ ولا تقربوا. ولا تقربي منه حد. اللي هو ما تقوليش لأ اصل انا عادي الولد ده علاقتي به علاقة محترمة. لأ ما هي بتبدأ كده - 00:10:08

ما تقوليش اصل هو لا انا مش قصدي حاجة انا لابسة كده ركز يا بنات. يبقى الحدود اللي ربنا حطها انا لو انا التزمت بها تحميini. ولو اللي التزم بها تحميini. تمام كده؟ طب اللي برة ما التزمش انا لازم ايه؟ التزم. التزم. شوفي بقى خلي بالك من حاجة. البنت النهاردة اللي بتمشي في الشارع مش محجبة. تقول لها يا بنتي - 00:10:18

وتلبسي حجاب يحميكى تقول لك ايه؟ طب ما هم يحترموا نفسهم ويبيصوا كوييس طب احنا ما لنا ومالهم صح انا المفروض انا نفسى احми نفسى. ما ليش دعوة بايه؟ طيب حلو اوسي. نركز مع بعض - 00:10:38

نفس العسولة اللي بتقول الكلام ده بتقول لك لأ طب ما هم يحترموا نفسهم ويبيصوا ما يبصوش علي نقول لها بقى ايه؟ فلوسك خلاص؟ طلعيها كده ما تحطيهاش في الشنطة - 00:10:52

خلاص سيبتها ويقول ايه؟ هم اللي يتلزموا وما يسرقوهاش. هتتسرق ولا ما تتسرقش؟ هتتسرق. انت خفت على فلوسك فجيست

حطها في الايه؟ في الشنطة. عشان ما حدش يأزيها اشمعنى بقى مش خايفه على نفسك وتحطى نفسك ولذلك انت الحجاب ده
بالنسبة لك زي المحفزة. هو احنا بنحط ايه في المحفظة؟ الحاجة الغالية صح - 00:11:05

ما فيش فلوس خلاص. ونحط ايه في المحفظة؟ الحاجة الغالية علينا. الحاجة اللي مهمه بنحطها في محفظة. انت الحجاب ده
بالنسبة لك زي المحفزة. انت محظوظ حاجة غالية عشان ما تبقاش ايه يعني خلاص كل من هب ودب بقى يعيش حياته -
00:11:27

واضح يا بنات؟ المهم فدي فكرة الحدود. دي فكرة الحدود. فالحدود الحدود حماية. الحدود ايه؟ حماية. طيب كوييس قوي.انا
الحقيقة عايز اكلمكم عن ان مسألة بقى العاطفة دي احنا في السن ده بيبقى عندنا عاطفة ومحبة. طيب العاطفة دي غلط؟ مش غلط
زي - 00:11:43

حب الزينة مش غلط بس الغلط ايه؟ تجاوز الحد. تجاوز الحد بتاع ايه؟ تجاوز الحد. حد يعني اللي يتتجاوز؟ احنا قلنا ربنا حدود لكل
حاجة. والحدود اللي حطها لنا بنعرفها منين؟ فاكرين النزام اللي هو الايه؟ الاسلام. الاسلام صح. اما - 00:12:03
قلنا ان انا دلوقتي انا في من ربك؟ ما دينك؟ ما الرجل الذي بعث فيكم؟ قلت ان انا خلاص انا اخترت ان ربنا بيقي رببي. ان انا هو ربنا
انا او حده محبوبا - 00:12:23

بيقي معبودا ومحبوبا ومعزما. ماشي؟ وانا خلاص قلت له يا رب طب انت تحب ان انا اعمل ايه؟ فقال لي انا وضعتك لك نزام
اسمك الاسلام. وانا مطلوب مني ايه في النظام ده - 00:12:33

برافو عليك مطلوب مني فيما يخص النظام الالتزام. لا وقلنا مش الالتزام بس الالتزام والدوام اللي اسمها الاستقامة اللي هو ايه؟
الالتزام والدوام ان انا اداوم عليه. ان مش مجرد بس ان انا التزم به واداوم عليه. ولذلك انت سيعتاشر - 00:12:43
مرة في اليوم بتطبقي من ربنا كده بتقولي له اهدنا الصراط المستقيم. والنبي قال ان الصراط المستقيم ده هو الايه؟ اه هو الاسلام.
النبي عرفه بأنه فانت بتطبقي الالتزام والدوام على الاسلام - 00:13:00

اللي هو نزام اللي هو ايه؟ نزام ربنا حطه لي. النزام ده نزام زي اي نزام في الدنيا - 00:13:16